

# ТОШКЕНТ ОҚШОММИ

Газета 1966 йил  
1 июлдан  
чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 158 (10.967)

Баҳоси эркин нархда


**XXI АСР САДОСИ**  
БАРЧА МАНБАЛАРДАН ОЛИНГАН  
СЎНГГИ ХАБАРЛАР

## МАМЛАКАТИМИЗДА

- Тошкентдаги Le Grand Plaza меҳмонхонасида Ўзбекистон ахборот технологиялари ассоциацияси ва Жанубий Кореянинг Интернетни ривожлантириш миллий агентлиги ўртасида имзоланган Шериклик тўғрисидаги меморандумга мувофиқ «U-Connect — 2007» икки кунлик халқаро семинари ўтказилди.
- Ўзбекистон Республикаси Қишлоқ ва сув хўжалиги вазирлигида келгуси йилнинг 11-14 март кунлари Япониянинг Чибо шаҳрида ўтказилади «FOODEX — 2008» халқаро кўргазмасининг тақдими бўлиб ўтди.
- Самарқанд Давлат университетидан Ўзбекистон ёш олимлари миллий жамияти, мазкур университет ва Ўзбекистон Фанлар академияси ҳамкорлигида республика ёш олимларининг илмий-амалий анжумани бўлиб ўтди. Самарқанд шаҳрининг 2750 йиллигига бағишланган тадбирда қадим шаҳарнинг ислом дини ва маданиятида тутган ўрни, шаҳар илмий муҳити, фалсафа, ҳуқуқ ва давлатчилик масалалари бўйича маърузалар тингланди.
- Мустақиллик байрами арафасида Ғиждувон шаҳридаги Абдуҳолик Ғиждувоний номли маҳалла фуқаролари учун ҳашар йўли билан ҳомийлар кўмағида кўп қаватли гузар қурилиб, фойдаланишга топширилди. Гузарнинг янги биноси қариялар чойхонаси, маҳалла йиғини хонаси, шинам ва ёруғ иш хоналаридан иборат яхлит мажмуадир.
- «Оҳангаронцемент» очик акциядорлик жамияти йилнинг ўтган олти ойи давомида буюртмачиларга давлат шартномасига биноан 951 минг 136 тонна сифатли цемент etkazилди берди.
- «Ижтимоий химоя йили» Давлат дастури ижроси йўлида Яккабоғ туманидаги Эски Яккабоғ қишлоғи ўйингоҳида кам таъминланган, боқувчисини йўқотган оилаларга, ногирон ва муҳтожларга ёрдамлашиш юзасидан тадбир уюштирилди. Унда ҳомийлар томонидан 137 та хонадонга қорамол, 110 кишига тикув машинаси совға қилинган бўлса, 60 нафар болага пул қўйилган омонат дафтarchаси топширилди, 10 нафар боланинг суннат тўйи ўтказилди.

## ПОЙТАХТНИНГ БИР КУНИ

Янгиликлар, воқеалар



## Қасқа сатрларда

- **МАРКАЗИЙ** офицерлар саройида Ўзбекистон Хотин-қизлар кўмитаси, Мудфоза ишлари вазирлиги ҳамкорликларида «Мардлар кўриқлайди Ватанини» мавзuida ўтказилган тадбир юртимиз Истиқлолининг 16 йиллигига бағишланди.
- **БУГУН** Ҳамза туманидаги «Тенгдош» маданият уйида Маънавият тарғибот марказининг туман бўлими, туман халқ таълими, маданият ва спорт ишлари бўлими ҳамкорликларида уюштирилган адабий кеча ва концерт дастури «Ёшлар — келажак таянчи» деб номланди.
- **ЧИЛОНЗОР** туманидаги 217-мактабда меҳнат таълими фани ўқитувчиларининг аънаваной Август кенгаши йиғилиши ўтказилди.
- **МИЛЛИЙ** санъат марказида ташкил этилган «Санъат бозори — 2007» халқ амалий санъати намуналари кўргазмаси якунланди.
- **МИРЗО** Улугбек номидаги маданият ва истироҳат боғида «ЭКОСАН» халқаро ташкилоти ташаббуси билан уюштирилган экофестивалда ёшлар иштирок этишди.
- **ЮРТИМИЗ** Истиқлолининг 16 йиллигини муносиб кутиб олиш мақсадида «Нақшошлик» маҳалласи фуқаролар йиғини ташаббуси билан маҳалла фаоллари иштирокида ободонлаштириш ишлари ташкил этилди, ҳар бир уйга каварерийдаги йўлақлар ораста холга келтирилди, темир дарвозалар ўрнатилди.
- **СОБИР** Раҳимов туманидаги 11-мактабда Тошкент шаҳар Халқ таълими бosh бошқармаси ташаббуси билан уюштирилган аънаваной Август кенгаши тадбирида мактабларнинг география фани ўқитувчилари иштирок этишди.
- **ЮНУСОБОД** туманида Ижтимоий химоя йили муносабати билан ёш оналар иштирокида ўтказилган тадбир «Соғлом она — соғлом бола» деб номланди.
- **ЎЗБЕКISTON** Савдо-саноат палатаси ташаббуси билан тадбиркорлар иштирокида уюштирилган тадбирда венгриялик ишбилармонлар билан савдо-саноат соҳасида давом этаётган икки томонлама ҳамкорликни янада кучайтиришнинг аҳамияти борасида сўз борди.

**МАЪЛУМКИ ХАЛҚИМИЗ ҚАДИМДАН ЭНГ АЗИЗ КУНЛАР, КЎТЛУҒ БАЙРАМЛАРИНИ ДИЛДА ШУКРОНАЛИК, ФАҲР-ИФТИХОР БИЛАН, ТўЙГА МУНОСИБ ТўЕНА ТАЙЁРЛАБ КЎТИБ ОЛГАН. 18-19 АВГУСТ КУНЛАРИ БўЛИБ ўТГАН УМУМХАЛҚ ХАЙРИЯ ҲАШАРИДА УШБУ УМРБОҚИЙ АНЪАНАНИНГ БАҒРИКЕНГЛИК, САХОВАТ, БЕМИННАТ ЯХШИЛИК ҚИЛИШ КАБИ АСРИЙ АНЪАНАЛАРИМИЗ БАРДАВОМЛИГИНИНГ ГУВОҲИ БўЛДИК. ЭРТА ТОНГДАН ҚАМШАҲАРЛАРИМИЗ, БУВИО БУВАЖОНЛАР, КАТТАЮ КИЧИК КўЧАЮ ХИБОНЛАР, БОҒУ РОҒЛАР, МАҲАЛЛА, ўқув ЮРТЛАРИ, КОРХОНА, ТАШКИЛОТЛАР ҲУДУДЛАРИНИ СУПУРИБ, ТОЗАЛАБ, САРАНЖОМ-САРИШТА ҚИЛИБ ОБОДЧИЛИК ЮМУШЛАРИГА ўЗЛАРИНИНГ МУНОСИБ ҲИССАЛАРИНИ ҚўШДИЛАР.**

## Ҳашар — элга ярашар

## ШАҲРИМИЗ ЯНАДА ОБОД ВА КўРКАМ БўЛДИ

Биз икки кун мобайнида шаҳримизнинг қай бир маҳалласи, боғ-роғлари, корхона, ташкилот, ўқув юртига бормайлик, ҳамма ерда одамларнинг уюшқоқликда, яхши кайфият билан дилдан меҳнат қилаётганликлари, катталарнинг кичикларга ибрат бўлаётганларини кўрдик.

Мустақиллик байрамининг 16 йиллик шодиёнасини муносиб кутиб олиш учун ўтказилган умумхалқ ҳашарида катта ҳажмдаги ободончилик, бунёдкорлик ишлари бажарилди. Ариқ ва зовурлар тозаланиб, даракт ва буталарга шакл берилди, қургиларни олиб ташлашиб, йиғилган чиқиндилар транспорт воситаларида белгиланган жойларга олиб чиқиб ташланди.

Тошкент шаҳар Оқсоқоллар Кенгаши ва «Маҳалла» жамғармасидан олинган маълумотларга кўра икки кун мобайнида бўлиб ўтган ҳашарда шаҳримизнинг 11 та туманидан жами 755072 нафар аҳоли иштирок этиб, 1832,3 гектар ер, 70 та қабристон ва зибратгоҳлар ободонлаштирилди, 515,1 погон-метр ариқ ва зовурлар тозаланди, 165008 та дарактларга шакл берилди, оқланди, 2319,4 тонна йиғилган чиқиндилар белгиланган жойларга чиқариб ташланди.

Шунингдек, ҳашар йўли билан 12344 та қаровга муҳтож уйлар таъмирланди, эҳтиёжман оилаларга 39233,367 минг сўмлик мурувбат ёрдами кўрсатилди. Хайри ишининг, сабоғга дахлдор бўлишининг эрта-кечи йўл, хали байрам эшик қоққунга қадар бундай ишлар давом этади, кўнгиллар кўтарилиб, меҳрга муҳтожларга саховат ёрдамлари кўрсатилади.

— Ҳашар азалдан халқимизнинг қон-қонига сингиб кетган бағрикенглик, ҳамжиҳатлик, олижаноблик тисмолари саналди, — дейди бир гуруҳ маҳалладошлари даврасида амалга оширилган ишларни сарҳисоб қилиб турган Шайхонхоҳур туманидаги «Тинчлик» маҳалласи фуқаролари йиғини раиси Озода опа Агамова. — Маҳаллада эртамиз давомчилари бўлган фарзандларимиз улғаяди, таълим-тарбия олиб камол топади. Уларга ҳам буюк қадриятларимизнинг сингдиришимиз керак. Ўзимиз ибрат бўлишимиз, Ватан остонадан, маҳалладан, ўз оиласидан бошланишини тушунтиришимиз лозим. Шунинг учун ҳам бугун бувилар набираларини етаклаб, акалар укаларига йўл кўрсатиб маҳалламиз, ҳудудимиздаги шожўчалар, бутун теварак-атрофини тозалаб, дарактларни оқлаб, ариқ ва зовурларни турли чиқиндилардан тозалашга ҳиссаларини қўшдилар.

Шу ўринда айтиб ўтишим лозимки, маҳалламизда 3000 дан ортик аҳоли бўлса уларнинг аксарияти умумхалқ ҳашарида бажонидил иштирок этишга интилдди. Битта кам таъминланган оиланинг уйини таъмирлаб бердик, ётиб қолган беморларни совға-салом билан йўқладик. Маҳалладошларни янада руҳлантириш мақсадида «энг яхши, тоза кўча» таловини ташкил қилиб биринчиликни олган қоилибларни мукофот билан тақдирладик. «Шу уй бизники, уни обод қилиш бизнинг бурчимиз» деган эзгу



ни сингдиришимиз керак. Ўзимиз ибрат бўлишимиз, Ватан остонадан, маҳалладан, ўз оиласидан бошланишини тушунтиришимиз лозим. Шунинг учун ҳам бугун бувилар набираларини етаклаб, акалар укаларига йўл кўрсатиб маҳалламиз, ҳудудимиздаги шожўчалар, бутун теварак-атрофини тозалаб, дарактларни оқлаб, ариқ ва зовурларни турли чиқиндилардан тозалашга ҳиссаларини қўшдилар.

Шу ўринда айтиб ўтишим лозимки, маҳалламизда 3000 дан ортик аҳоли бўлса уларнинг аксарияти умумхалқ ҳашарида бажонидил иштирок этишга интилдди. Битта кам таъминланган оиланинг уйини таъмирлаб бердик, ётиб қолган беморларни совға-салом билан йўқладик. Маҳалладошларни янада руҳлантириш мақсадида «энг яхши, тоза кўча» таловини ташкил қилиб биринчиликни олган қоилибларни мукофот билан тақдирладик. «Шу уй бизники, уни обод қилиш бизнинг бурчимиз» деган эзгу

тўйғу ҳар бир маҳалладошимиз юрагида жўш урмоқда. Энг улғу, энг азиз байрамни ёруғ юз билан кутиб олишга чорламоқда.

— Ўқувчи-ёшларимиз янги ўқув йилини ёруғ, тоза, энг замонавий жиҳозлар билан таъминланган, бутунлай янги қиёфадаги мактабда бошлайдилар, — дейди Собир Раҳимов туманидаги 28-мактаб директори Дилдора Арипова. — Биз ўқитувчи ва ўқувчилар мактабимиз атрофини тартибга келтириб ободонлаштириш ишларини бажардик, ерларни текислаб гуллар экдик, эшик-деразаларни ювиб, йўлакларни чиқиндилардан тозалаб ораста холга келтирдик. Ҳашарда ўқувчилардан ташқари ота-оналар ҳам бажонидил иштирок этишди. Улар фарзандларининг шундай чиройли, барча шароитлар яратилган таълим масканидан билим олишларида жуда миннатдор.

(Давоми 3-бетда).

## ХАВФСИЗЛИК, ИШОНЧЛИК ВА ЮҚОРИ СИҲАТ

Мамлакатимизда ҳар йили август ойининг учинчи ақшанбасида, демак, бу йил 19 августда, Ҳаво флотни кўни нишонланади.

Ўзбекистон Республикаси Президенти Ислоҳ Каримовнинг доимий эътибори натижасида «Ўзбекистон ҳаво йўллари» бўйича авиаконкомпанияси мустақиллик йилларида соҳада исчилик ислохотларни амалга ошириб, ўз мавқени янги, юқори даражага кўтаришга муваффақ бўлди.


Ҳаво кемалари паркни модернизация қилинди, Фарбда ишлаб чиқарилган самолётларга техник хизмат кўрсатиш бўйича замонавий базаси яратилди, нафақат пойтахтда, балки вилоят марказларида ҳам аэропортлар реконструкция қилинди, МДҲда ҳаво ҳаракатини бошқаришда энг яхшилардан бири бўлган Ўзбекистон навигация тизими тақомиллаштирилди, юқори малакали кадрлар тайёрлаш йўлга қўйилди, авиация хавфсизлигининг самарали тизими ташкил этилди. Ушбу салмоқли вазифаларнинг муваффақиятли ҳал этилиши Ўзбекистонга жаҳон авиатранспорт тизимида қўшилши ва унинг тенг ҳуқуқли иштирокчисига айланиш имконини берди.

Улғу байрам — Ватанимиз мустақиллигининг 16 йиллиги арафасида Миллий авиаконкомпания ҳаво кемалари паркни янгилаш ва бирхиллаштириш бўйича дастурни амалга оши-

риш борасида яна бир муҳим қадам қўйилди. Жорий йилнинг май ва июнь ойида «Боинг» авиация-космик корпорацияси билан иккита Боинг-787 «Dreamliner» самолётини ҳамда «Эрбас Индастри» консорциуми билан олти А-320-200 авиалайнерларини сотиб олиш бўйича шартнома имзоланди. Фарбда ишлаб чиқарилган ҳаво кемаларидан ташқари ўзимизда ишлаб чиқарилган Ил-114-100 самолётлари ҳам харид қилинди.

«Ўзбекистон ҳаво йўллари» миллий авиаконкомпанияси жамоаси ўзларининг касб байрамини яхши кўрсаткичлар билан кутиб олмақда. Авиаконкомпания матбуот хизматида хабар қилишича, жорий йилнинг ўтган олти ойи мобайнида йўловчи ташиш 16 фоизга, юк ташиш эса 19,4 фоизга ошган.

Бугун «Ўзбекистон ҳаво йўллари» ўз мўжозларига Ўзбекистоннинг барча йирки шаҳарлари ҳамда 40 дан ортик халқаро маршрутлардан иборат кенг қўламли йўналишларни таклиф этмоқда. Миллий авиаконкомпания сўнгги олти ойда Милан, Сочи ва Қоҳирага янги авиалинияларни очди. Компания ўз фаолиятини мунтазам тақомиллаштириб бормоқда, энг яхши жаҳон тажрибасидан фойдаланишга, юқори самарадор, рақобатбардош ва техник жиҳатдан мукаммал авиаконкомпанияга айланишга интилмоқда. Бугунги кунда ҳаётнинг 24 мамлака-



нинг пойтахт билан вилоятлар, шунингдек, дунёнинг турли мамлакатлари ўртасида ҳаво орқали тезкор қатновларни амалга ошириш имконини берувчи муҳим таркибий қисми ҳисобланади. Хорижий кредитлардан оқилона фойдаланиш Ўзбекистон аэропортларини тез ва сифатли реконструкция қилиш имконини берди. Энди янги учини-кўни йўлақлари ҳар қандай турдаги самолётларни, терминаллар эса тобора кўпайиб бораётган йўловчиларни қабул қилиши мумкин. Мамлакатимизда деярли барча аэропортлардан Россия ва МДҲ шаҳарларига тўғридан-тўғри авиакатновлар амалга оширилмоқда. Бу эса Ўзбекистон тадбиркорлари учун хорижий шериклар билан савдо алоқалари ва ҳамкорликни кенгайтириш, ижтимоий-маданий, гуманитар соҳадаги ўзаро ҳамжиҳатликни чуқурлаштиришга шарт-шароит яратмоқда.

Буларнинг барчаси авиаконкомпания жамоаси салмоқли ютуқларни қўлга олиши билан боғлиқ. Ўзбекистон ҳаво йўллари-нинг ташкилий тизимини тақомиллаштириш, авиакатновлар рентабеллигини янада ошириш шулар жумласидандир. Ҳозир ҳамма жой-

## ЖАҲОНДА

- Кеча Франция Ташқи ишлар вазири Бенар Күшнер расмий ташриф билан Ироққа келди. У мамлакат раҳбарияти билан учрашуви чоғида Ироқ муаммоларини мамлакатнинг ўзи ечиши лозимлиги, улар ҳарбий эмас, балки сиёсий йўл билан ечилиши даркорлигини алоҳида таъкидлаб ўтди.
- Латвия ҳукумати раҳбари Айгар Калвитес мамлакатда инфляцияни 2012 йилга қадар Европа Иттифоқи талаб қилган даражада қисқартиришни имкони йўқлигини таъкидлади. Бу эса Латвия яқин беш йил давомида евроҳудудга қира олмаслигини англатади.
- Корея Халқ Демократик Республикасида август ойи бошлангандан буён тинимсиз ёғайган кучли жала туфайли рўй берган сув тошқинлари натижасида 220 киши ҳаётдан кўз юмди. Кучли ёмғир қишлоқ хўжалиги экинларини пайҳон қилмоқда, ерлар ва кўприклар сув остида қолган, бошпанасизлар сони эса 300 минг нафарга етади. Расмий Пхеньян табиий офат оқибатларини бартараф этиш учун халқаро ҳамжамиятдан ёрдам сўради.
- Кеча Тайвань авиаконкомпаниясига қарашли «Боинг-737» самолёти Япониянинг Окинава оролидаги Наха аэропортига қўнаётган чоғида ҳалокатга учраб ёниб кетди. Самолётда 155 нафар киши бор эди. Ҳозирча қурбонлар тўғрисида маълумот йўқ.
- Греция раҳбарияти муддатидан илгари парламент сайловларни ўтказиш тўғрисида қарор қабул қилди. «Франс-пресс» ахборот агентлигининг маълумотига кўра сайлов шу йилнинг сентябрь ойида ўтказилади. Маҳаллий матбуотда ёзилишича, тез орада мамлакат парламенти тарқатиб юборилиши мумкин.
- Перуда кучли зилзила рўй берганига тўрт кун ўтган бўлса-да, ҳамон вайронлар орасидан кишиларни излаш ишлари давом этмоқда. Мамлакатга жаҳон ҳамжамияти томонидан инсонпарварлик ёрдами кўрсатилаётган бўлиб, жойларда ичимлик суви, озиқ-овқатлар, тиббиёт анжомлари etkazиб берилмоқда. Таъкидлаш жоизки, зилзила натижасида иккита қамоқхонанинг бузилиб, 600 та маҳбусларни қочиб кетиши ҳам тегишли муаммоларни туғдирмоқда.
- Хавфлилик борасида тўртинчи тоифага киритилган Дин тўфони Қариб ҳавзаси мамлакатларига тезлик билан яқинлашиб келмоқда. Кеча тўфон хуружини бошидан кечирган Гаити ва Доминикан республикасида беш киши ҳаётдан кўз юмди. Ҳозирда Ямайка ва Мексикада тўфон олдидан аҳолини зудлик билан хавфсиз жойларга кўчириш ишлари амалга оширилмоқда.
- Кеча Англия пойтахти Лондондаги Хитроу аэропортининг кенгайтирилиши ва шу тарихда атроф-муҳитнинг бузилишига қарши бўлган бир гуруҳ экологларнинг оммавий намойишларини полиция куч билан тўхта-тиб қолди. Намойишчилардан тўрт киши ҳибсга олинди.
- Халқаро футбол федерацияси (ФИФА) клублар ўртасида шу йилнинг декабрь ойида Японияда ўтадиган жаҳон чемпионати низомига ўзгариш киритди. Яъни мусобақанинги соврин жамғармаси кўпайтирилиб, 16 миллион долларга тенглаштирилди. Эндиликда чемпионга 5 миллион доллар берилса, финалга чиққан клуб ҳазинаси 4 миллион долларга бойийди.

В.НИКОЛАЕВ,  
ЎзА муҳбири





